



VOPNAFJARÐARHREPPUR

BREYTING Á AÐALSKIPULAGI VOPNAFJARÐARHREPPS 2006-2026

Vegna veiðihúss í Ytri Hlíð

LÝSING

19. júní 2020



YRKI ARKITEKTAR

Mýrargötu 26. 101 Reykjavík
Sími: 552 6629 . yrki@yrki.is
Kt: 560997-3109 . www.yrki.is



Athugasemdir og ábendingar við þessa lýsingu

Allir sem óska getið komið á framfæri athugasemdum og ábendingum við þessa lýsingu með því að senda þær skriflega til skipulags- og byggingafulltrúa Vopnafjarðarhrepps á netfangið sigurdur.jonsson@efla.is eða með bréfpósti á Sigurður Jónsson, Efla Austurlandi, Hafnargötu 28, 710 Seyðisfirði.

Athugasemdum og ábendingum verður ekki svarað formlega á þessu stigi en verða hafðar til hliðsjónar við vinnu á breytingartillögu. Sjá nánar um samráð í kafla 6.

1 Aðdragandi, tilgangur og markmið

Sveitarstjórn Vopnafjarðarhrepps leggur hér fram skipulags- og matslýsingu fyrir breytingu á aðalskipulagi Vopnafjarðarhrepps 2006-2026 samkvæmt 1. mgr. 30. gr. skipulagslaga nr. 123/2010.

Landeigendur Ytri Hlíðar kynntu hugmyndir sínar um nýtt veiðihús fyrir Vesturdalsá fyrir skipulags- og umhverfisnefnd vorið 2020. Nefndin fagnaði hugmyndunum en nefndin lagði til við sveitarstjórn að unnin verði breyting á aðalskipulagi vegna umfangs fyrirhugaðra framkvæmda. Sveitarstjórn samþykkir tillögu nefndarinnar í kjölfarið.

Áður en hægt er að gefa út framkvæmdar- og byggingarleyfi vegna nýs veiðihúss, þurfa hugmyndirnar að vera í samræmi við aðalskipulag Vopnafjarðarhrepps. Um er að ræða nýja og umfangsmikla hugmynd sem er ekki í samræmi við aðalskipulag og því er ráðist í breytingu á því. Unnið verður deiliskipulag með nánari útfærslu framkvæmda og mannvirkja.

Samkvæmt erindi landeigenda er markmiðið með byggingu nýs veiðishúss að styrkja frekar ferðaþjónustu í sveitarfélaginu og bæta samkeppnishæfni þess. Er það í samræmi við hugmyndir sveitarstjórnar um uppbyggingu í ferðaþjónustu til að styrkja atvinnulíf í Vopnafirði.



2 Lýsing á framkvæmdum

Eftirfarandi lýsing á framkvæmdum byggja á upplýsingum úr kynningu sem unnin var af *Logg landfræði & ráðgjöf* og *Sniddu arkitektastofu* fyrir hönd landeigenda.

Unnið er að deiliskipulagi fyrir nýja lóð og veg. Þar mun koma fram nánari staðsetning lóðar, bygginga og vegar.


2.1 Nánar um fyrirhugaða framkvæmd

Bygging nýs veiðihúss á nýjum stað felur í sér gerð nýrrar lóðar í landi Ytri Hlíðar, veglagningar að lóðinni ásamt veitulögnum og byggingu veiðihús með veitinga- og gistipjónustu.

Við hönnun og framkvæmdir verður áhersla lögð á að tryggja að mannvirki rýri sem minnst nærumhverfi sitt. Unnið verður með landhalla svo mannvirki falli vel að landslagi.

Reynt verður að haga framkvæmdum þannig að sem minnst rask verði á gróðri og jarðvegi. Frágangi á framkvæmdarsvæðinu verðu hagað þannig að ekki myndist vindálag á lausan jarðveg. Land verði lagfært, í samræmi við landslag og halla umhverfis. Aðlaga þarf vegfláa að landinu í kring, svo þær verði ekki áberandi í landinu.

Sjá mynd 2.1 fyrir staðsetningu fyrirhugaðrar lóðar í landi Ytri Hlíðar.



Mynd 2.1 Skýringarmynd sem sýnir hvar fyrirhuguð lóð er staðsett. Jarðamörk Ytri Hlíðar (ónákvæm) sýnd með gulum útlínum en fyrirhuguð staðsetning lóðar sýnd með gulum reit með svörtum útlínum. Tillaga að vegi sýnd með hvítu línu.



2.1.1 Ný lóð

Til stendur að stofna nýja lóð, um 4 ha af stærð, í landi Ytri Hlíðar. Gengið er út frá því að lóðin verði staðsett ofarlega í hlíðinni norðan við Vesturdalsánnu. Sjá mynd 2.x til skýringar.

2.1.2 Nýr vegur

Leggja þarf veg að lóðinni um 1,5 - 2,0 km leið. Lagt er til að hann fylgi landslagi hlíðarinnar þannig að sjónræn áhrif hans á landslag verði eins lítil og kostur er. Vegurinn mun ekki kalla á nýja tengingu við þjóðveg.

2.1.3 Veitulagnir

Þar sem um nýja lóð er að ræða þarf að huga að nýjum veitulögnum: rafmangi, neysluvatni og fráveitu.

Rafmagn: Gert er ráð fyrir að rafmagnsstrengur verði lagður í fyrirhuguðu vegstæði inn á svæðið.

Neysluvatn: Í skoðun er að virkja uppsrettu í næsta nágrenni við nýja lóð eða bora eftir vatni.

Fráveita: Rotþró verður innan lóðar og þess gætt að hún sé staðsett þannig að siturlögn frá henni sé komið fyrir svo að engin hætta sé á mengun vatns. Rotþróin verður þjónustuð samhliða rotþró við íbúðarhúsið á Ytri Hlíð, sem er tæmd eftir þörfum.

2.1.4 Veiðihús

Staðsetning veiðihúss er valin út frá útsýni yfir Vesturárdal og yfir í Krossavíkurfjöll og Smjörfjöll. Í húsinu verður veitinga- og gistipjónusta.

Hönnun á byggingum er á frumstigi en lagt er upp með að byggja hús sem skiptist í sjö íverustaði sem eru tengdir saman með tengigangi, auk stakstæðs bílskúrs og hlöðu (sjá mynd 2.x til skýringar). Áætlað byggingarmagnið er um alls 950 m².

Reynt verður að tryggja að sem best útsýni verði úr íveruhúsum sama hvort um sé að ræða í svefnherbergi, setustofu eða borðstofu.

2.1.5 Efnistaka

Vegna veglagningar er áætluð efnispörf um 10.000 m³. Áætlað er að opna námu í landi Ytri Hlíðar til að stytta efnisflutninga eins og kostur er.

Engin náma er á aðalskipulagi í landi Ytri Hlíðar. Gerð verður frekari grein fyrir efnistöku og vali á efnistökusvæði við kynningu á breytingartillögu.



3 Staðhættir

3.1 Vesturárdalur

Inn úr Vopnafirði liggja þrír dalir, Hofárdalur syðstur, þá Vesturárdalur og Selárdalur nyrstur. Dalirnir fá nöfn sín af ánum sem renna um þá.

Vesturárdalur liggur milli lágra hálsa, grösugur og búsældarlegur. Sunnan við dalinn liggur Hofsháls/Kolbeinsstaðatangi (Tanginn) sem teygir sig út í Vopnafjörð. Á Tanganum er þéttbýli Vopnafjarðar að finna. Norðausturvegur liggur sunnan megin í Vesturárdalnum að þéttbýlinu og er í dag helsta tenging sveitarfélagsins við þjóðveg 1.

3.1.1 Vesturá/Vesturdalsá

Vesturá, einnig þekkt sem Vesturdalsá, er fremur vatnslítill á upptök í Arnarvatni. Þaðan rennur áin um 33 km leið til sjávar í Nýpslóni í Vopnafirði.

Í ánni er bæði að finna lax og bleikju. Viðamiklar rannsóknir hafa átt sér stað um árabíl á fiskistofnum árinna en hún er ein af viðmiðunarárm Veiðimálastofnunnar. Laxgeng er hún 28 km. að fossi í landi Hauksstaða. Meðalveiði árána 1974 til 2008 er 209 laxar.

3.1.2 Ytri Hlíð

Jörðin Ytri Hlíð nær frá Selá í noðri og að Vesturdalsá í suðri. Lækir og gil sem liggja niður Vesturdalsháls mynda mörkin í austur og vestur.


Jörðin er um 1327 ha (13,27 km²) af stærð og vel gróin. Hlíðar Vesturdalsháls sjást vel frá Norðausturvegi og sjá má skógi vaxin bæjarstæði íbúðarhúsanna, Ytri Hlíð I og II sem standa neðst við hlíðina.

3.2 Landnotkun og verndun

Samkvæmt Aðalskipulagi Vopnafjarðar 2006-2026 er land utan þéttbýlisins og undir 300 m yfir sjávarmáli skilgreint sem landbúnaðarland. Í Ytri Hlíð er mest allt land undir 300 m yfir sjávarmáli og því skilgreint sem landbúnaðarland. Smá undantekning frá því er efst á Vesturdalshálsinum sem telst vera óbyggð svæði og nær aðeins inn á land Ytri Hlíðar.

Sjá jarðamörk Ytri Hlíðar ofan á hluta af dreifbýlisupprætti Aðalskipulags Vopnafjarðarhrepps 2006-2026 á mynd 3.1.

Engin verndarsvæði eru á svæðinu eða í næsta nágrenni. Engar náttúruáminjar eru þekktar á svæðinu.



SKÝRINGAR:

	ÍBÚDARSVÆDI		BLÖNDUÐ LANDNOTKUN LITUR Í SAMRÆMI VÍÐ FYRIRHUGUÐ LANDNOT		RAFVEITA, LOFTLÍNA
	MÍÐSVÆDI		LANDBÚNADARSVÆDI		RAFVEITA, JARLÍNA
	ATHAFNASVÆDI		VÖTN, ÁR OG SJÓR		FJARSKIPTI Í JÖRÐ
	ÍÐNADARSVÆDI		STRANDSVÆDI SEM UPPFYLIR UMMYRFRISÖRÐ FYRIR ÚTIVISTARSVÆDI SBR. FYLGISKJÁL 2 MEÐ REGLUGERÐ NR. 798/1999 UM FRÁVEITUR OK		FRÁVEITA Í JÖRÐ
	HAFNARSVÆDI		STRANDSVÆDI Í FLOKKI B		YFIRFALL Í JÖRÐ
	SVÆDI FYRIR ÞJÓNUSTUSTOFNANIR		STOFNBRAUT		FRÁVEITA Í JÖRÐ NOTKUN HETT Á SKIPLAGSTÍMANUM
	VERSLUNAR- OG ÞJÓNUSTUSVÆDI		TENGIBRAUT		ADALSTÍGUR
	OPIN SVÆDI TIL SÉRSTAKRA NOTA		ADRIK VEGIR TIL SKÝRINGAR		GÖNGULEIÐIR/ÚTIVISTARSTÍGAR
	ÓBYGGÐ SVÆDI		BYGGINGAR TIL NIÐURRIFS		REIDLEIÐIR/REIDSTÍGAR
	SVÆDI FYRIR FRÍSTUNDBYGGÐ		VATNSVEITA Í JÖRÐ		

Mynd 3.1 Hluti af dreifbýlisuppdætti úr Aðalskipulagi Vopnafjarðarhrepps 2006-2026. Sýnd er afmörkun jarðar Ytri Hlíðar (ónákvæm) með gulum útlinum. Jarðamörk: Nyttjaland 2006.



3.3 Fornleifar

Ekki eru þekktar menningarminjar á svæðinu samkvæmt Minjastofnun Ísland og ólíklegt sé að framkvæmdir á svæðinu hafi áhrif á menningarminjar.


Ef í ljós koma áður óþekktar menningarminjar verða framkvæmdir stöðvaðar uns skriflegt leyfi frá Minjastofnun Íslands fæst um að halda megi framkvæmdum áfram, sbr. 24.gr. laga um menningarminjar nr. 80/2012.

3.4 Vistgerðir

Samkvæmt vistgerðarkorti Náttúrufræðistofnunar Íslands (sjá t.d. hér: <http://vistgerdakort.ni.is/>) einkennist gróðurfar á jörð Ytri Hlíðar af mólendi og fjalldrapamóavist algengust. Aðrar vistgerðir á landi sem má þar finna eru:

- Fjalldrapamóavist
- Lyngmóavist á láglendi
- Runnamýravist á láglendi
- Tjarnastararflóavist
- Tún og akurlendi

Kortlagning vistgerða miðast við mælikvarðan 1:25.000.




Mynd 3.2 Votlendissvæði í landi Ytri Hlíðar sem njóta sérstakrar verndar samkvæmt 61. gr. laga nr. 60/2013 um náttúruvernd, sýnd með rauðum flákum. Jarðarmörk (ónákvæm) sýnd með gulum útlinum en fyrirhuguð lóð sýnd með gulum reit með svörtum útlinum. Jarðamörk: Nytjaland 2006. Votlendissvæði: sérstök vernd NÍ, 1. útg.



3.5 Jarðfræði

Samkvæmt jarðfræðikortasjá Náttúrufræðistofnunar Íslands er bergrunnur í Vopnafirði að mestu leiti blágrýti líkt og algengast er á Íslandi.



Mynd 3.3 Skjáskot úr jarðfræðikortasjá Náttúrufræðistofnunar Íslands.

Sjá nánar í vefsíðni, aðgengileg hér:

<https://www.ni.is/midlun/utgafa/kort/jardfraedikort>




4 Væntanleg breyting á skipulagsgögnum

Til að aðalskipulag Vopnafjarðarhrepps verði í samræmi við fyrirhugaða uppbyggingu verður bætt inn verslunar- og þjónustusvæði innan á landi Ytri Hlíðar á dreifbýlisupprætti. Þá verður bætt við umfjöllun með lýsingum á starfseminni þ.e. veiðihús með gisti- og veitingaþjónustu. Settir verða skilmálar fyrir væntanlegt deiliskipulag af svæðinu sem og fyrir leyfisveitingar.

5 Tengsl við aðrar áætlanir

Um er að ræða breytingu á Aðalskipulagi Vopnafjarðarhrepps 2006-2026 í samræmi við hugmyndir um byggingu nýs veiðihúss í landi Ytri Hlíðar. Áður en hægt er að veita byggingar- og framkvæmdarleyfi þarf að breyta aðalskipulagi.



Mynd 5.1 Yfirlit yfir samhengi skipulags og leyfisveitinga. Mynd frá Skipulagsstofnun, sjá [hér](#).

5.1 Landsskipulagsstefna

Í Landsskipulagsstefnu 2015-2026 eru eftirfarandi leiðarljós lögð til grundvallar:

- Að skipulag byggðar og landnotkunar stuðli að sjálfbærri þróun.
- Að skipulag byggðar og landnotkunar sé sveigjanlegt og stuðli að seiglu gagnvart samfélags- og umhverfisbreytingum.
- Að skipulag byggðar og landnotkunar stuðli að lífsgæðum fólks.
- Að skipulag byggðar og landnotkunar styðji samkeppnishæfni landsins alls og einstakra landshluta.





Fjallað verður um tengsl breytingina á aðalskipulagi við leiðarljós Landsskipulagsstefnu, einkum verður til sjálbærar þróunar í skipulagi og stuðnings við samkeppnishæfni sveitarfélagsins.

Nálgast má Landsskipulagsstefnu hér: <https://www.landsskipulag.is/gildandi-stefna/stefnan>

5.2 Aðalskipulag Vopnafjarðar 2006-2026

Ytri Hlíð er mest allt land skilgreint sem landbúnaðarland fyrir utan smá blett efst á Vesturdalshálsinum sem telst vera óbyggt svæði.

Í staðfestri breytingu að aðalskipulaginu (breytingin býður birtingar í B deild stjórnartíðinda) segir um landbúnað:

3.2.4 Landbúnaður

Landsvæðið utan þéttbýlisins á Vopnafirði er skilgreint sem landbúnaðarsvæði.

Mjög blómlegur landbúnaður er í sveitarfélaginu og er þar rekin öflug sauðfjárrækt.

Ekki er gert ráð fyrir breytingu á skilgreiningu á landbúnaðarsvæðum í sveitarfélaginu í tillögunni annarri en þeirri að stærstur hluti Kolbeinstanga verði hlíft fyrir ágangi búfjár og breytt í svæði til sérstakra nota. Einnig er jörðin Þorbrandsstaðir skilgreind sem svæði undir frístundabyggð.

Heimilt er að veita almenna ferðapjónustu á landbúnaðarsvæðum s.s. ferðapjónustu bænda, gistingu og tilheyrandi þjónustu. Nýta má þann húsakost sem fyrir er á viðkomandi býli fyrir almenna ferðapjónustu með minni háttar viðbótum og breytingum á mannvirkjum án þess að breyta þurfi aðalskipulagi. Leyfilegt er að halda úti allt að 4 gistirými í hverju húsi á lögbýlum án frekari breytinga á aðalskipulagi.

Um samanlagðan heildarfjölda íbúðar- og frístundahúsa á lögbýlum gildir eftirfarandi:

	Lögbýli < 20 ha	Lögbýli 20 – 100 ha	Lögbýli > 100 ha.
Hámarks fjöldi	3	5	7

Nýbyggingar skulu nýta sömu heimreið og lögbýli, ekki skal fjölga tengingum við þjóðvegi. Leita þarf samþykkis Vegagerðarinnar fyrir nýjum tengingum við heimreiðar.

Vinna skal deiliskipulag ef fleiri en tvö hús eru lögð undir gistipjónustu eða aðra starfsemi sem tengist ferðapjónustu.

Nokkrar reið- og gönguleiðir eru um landbúnaðarsvæði sveitarfélagsins og er lögð áhersla á að merkja, kynna og skapa nýja möguleika í útivist og ferðamennsku á svæðinu.

Lögð verði áhersla á sjálfbæra þróun landsins þ.e.a.s að markvisst verði fylgst með þoli landsins vegna ferðamanna og búfjár og leitast við að ofbjóða





Því ekki. Slík umhverfismeðvitund mun efla samfélagið og auka möguleika í ferðaþjónustu.

Skógræktarverkefni á bújörðum skal bera undir sveitarstjórn til samþykkis.

Það er markmið sveitarstjórnar að Vopnafjörður verði í fremstu röð landbúnaðarsvæða þar sem framþróun grundvallist á framsækni, samstöðu, þekkingu og frjórri búmenningu.

Til þess að svo verði er lagt til:

- að efla framboð fræðslu á sviði landbúnaðar, í samstarfi við stofnanir á því sviði
- að gert verði átak á sviði umhverfismála, með flokkun úrgangs, bótum í frárennslismálum og hvatningu til lífrænna búskaparháttanna
- að aukin verði þátttaka bænda í skógræktarverkefni
- að leitað verði leiða til að halda og auka mjólkurkvóta á svæðinu, með aðstoð ráðgefandi stofnunar,
- að byggja upp þróunarstarf á sviði matvælaframleiðslu og efla fjölbreytileika í landbúnaði,
- að grænmetisræktun verði aukin, með stuðningi við framtak einstaklinga,
- að kannaðir verði möguleikar á ferskvatnseldi og veiðum og vinnslu vatnasilungs.

Sjá nánar 2.2.7.2

Ekki er fjallað um Ytri Hlíð sérstaklega í aðalskipulaginu.

Aðalskipulag Vopnafjarðarhrepps má finna hér:

https://www.vopnafjardarhreppur.is/Stjornsysla/skipulags_og_byggingarmal/skipulags_gogn

6 Matslýsing umhverfisáhrifa

Breytingin fellur ekki undir lög um umhverfismat áætlana nr. 105/2006. Hins vegar verður gerð grein fyrir helstu umhverfisáhrifum breytingarinnar skv. 12. gr.

Skipulagslaga nr. 123/2010. Þegar breytingartillaga verður lögð fram munu drög að umhverfismati tillögunnar fylgja.

6.1 Mat á áhrifum

Matsvinnan fer fram samhliða vinnu við tillögu að breyttu aðalskipulagi svo bregðast megi við hugsanlega neikvæðum umhverfisáhrifum. Verður það gert með breytingu á stefnu eða mótvægisáðgerðum með það að markmiði að draga úr neikvæðum áhrifum. Matsvinnan er einnig nýtt til að bæta samræmi við aðrar stefnur.

Gert er ráð fyrir að nota fjórar vægiseinkunnir við matið:





+	Líkur á jákvæðum áhrifum
+/-	Áhrif talin óveruleg
-	Líkur á neikvæðum áhrifum
?	Óvissa um áhrif/áhrif háð útfærslu

Ef líkur eru á neikvæðum áhrifum verða þau skoðuð nánar og leitað verður leiða til að draga úr neikvæðum áhrifum í samræmi við hugmyndir um sjálfbæra þróun og til að stuðla að skipulagstillagan hafi sem jákvæðust umhverfisáhrif.

6.2 Umhverfispættir og viðmið

Í matsvinnunni verða skoðuð möguleg áhrif á þá umhverfispætti sem taldir eru upp í töflu 5.1. Horft verður til mögulegra áhrifa sem breytingin mun leiða af sér þ.e.a.s. áhrif vegna þeirra framkvæmda og breytingar á umhverfinu sem telja má líkleg í kölfar gildistöku breytinga á aðalskipulagi.

Tafla 5.1. Þeir umhverfispættir sem verða skoðaðir við umhverfismat skipulagsáætlunarinnar ásamt matsspurningum.

Umhverfispáttur	Matsspurningar
Loftslag • Losun GHL • Binding GHL	Mun breytingin leiða til áhrifa á magn gróðurhúsalofttegunda (GHL) í andrúmslofti? Mun breytingin draga úr náttúrulegri bindingu GHL?
Land • Landslag • Jarðvegur	Mun breytingin leiða til áhrifa á ásýnd lands og landslag? Mun breytingin fela í sér áhrif á grunnvatnsstöðu í jarðvegi?
Lífriki • Gróður • Dýralíf • Búsvæði • Vistgerðir	Mun breytingin fela í sér áhrif á gróður og gróðurfar á yfirborði? Mun breytingin hafa áhrif á dýralíf og búsvæði (s.s. fuglalíf)? Mun breytingin leiða af sér áhrif á vistgerðir sem vert er að vernda?
Heilsa & öryggi • Náttúruvá • Slysahætta • Mengun • Óþægindi	Mun breytingin hafa áhrif á náttúruvá, slysahættu eða mengun á svæðinu? Mun breytingin fela í sér óþægindi fyrir íbúa og gesti í sveitarfélaginu?
Samfélag • Landnotkun • Efnahagur & atvinnulíf • Þjónusta við íbúa	Mun breytingin hafa áhrif á landnotkun á svæðinu? Mun breytingin hafa hagræn áhrif? Mun breytingin hafa áhrif á veitukerfi í sveitarfélaginu? Mun breytingin hafa áhrif á aðgengi að útivistarsvæðum og ósnortinni náttúru?



Fornleifar og minjar	Mun breytingin hafa áhrif á fornminjar?
----------------------	---

Viðmið verða sett með tilliti til stefnuskjala Vopnafjarðarhrepps ásamt settum markmiðum sveitarfélagsins í samfélags- og umhverfismálum auk viðmiða í opinberum stefnuskjöllum, lögum eða alþjóðlegum skuldbindingum.

Viðmið verða einkum sótt í:

- Náttúruverndarlög nr. 60/2013
- Lög nr. 80/2012 um menningarminjar
- Aðalskipulag Vopnafjarðarhrepps 2006-2026
- Vistgerðarflokkun Náttúrufræðistofnunar Íslands
- Válista Náttúrufræðistofnunar Íslands

7 Málsmeðferð – hvenær getur þú komið að málum?

Málsmeðferð verður í samræmi við 30. - 32. gr. Skipulagslaga nr. 123/2010. Reikna má með að ferlið taki um 4-5 mánuði frá því að þessi skipulags- og matslýsing er kynnt og send Skipulagsstofnun til umsagnar. Ferlinu lýkur með gildistöku breytinga á aðalskipulagi þegar þær hafa verið samþykkt af sveitarstjórn, hlotið staðfestingu Skipulagsstofnunar og verið birt í B-deild Stjórnartíðinda.

7.1 Kynning lýsingar

Skipulags- og matslýsing þessi er send Skipulagsstofnun og öðrum umsagnaraðilum til umsagnar. Lýsingin er samtímis auglýst og gerð aðgengileg á vef Vopnafjarðarhreppar, www.vopnafjardarhreppur.is, þar sem óskað er eftir ábendingum og athugasemdum innan þriggja vikna frá birtingu.

Skipulags- og umhverfisnefnd mun fara yfir athugasemdir og ábendingar sem berast og hafa til hliðsjónar við gerð tillögunnar en þeim verður ekki svarað með formlegum hætti.


Skipulags- og matslýsing þessi verður send eftirfarandi umsagnaraðilum:

- Heilbrigðiseftirliti Austurlands (HAUST),
- Minjastofnun Íslands,
- Náttúrustofnun Íslands,
- Náttúrustofu Austurlands,
- Umhverfisstofnun,
- Vegagerðin.





7.2 Tímalína og samráðsáætlun



GILDISTAKA
BREYTINGA

8 Heimildir

Aðalskipulag Vopnafjarðarhrepps 2006-2026

Landsskipulagsstefna 2015-2026 ásamt greinargerð
(<https://www.landsskipulag.is/gildandi-stefna/stefnan/>).

Náttúruminjaskrá:

(<https://ust.is/nattura/natturuverndarsvaedi/natturuminjaskra/austurland/>)

Veida.is (e.d.). Vesturdalsá. Sótt á <https://veida.is/veidisvaedi/vesturdalsa/>

